

Na osnovu člana 103 tačka 1. Zakona o visokom obrazovanju („Sl. novine TK“ br. 7/16, 10/16, 05/17, 15/17) a u vezi sa članom 35. i članova 137, 138. i 139. Statuta Visoke škole za finansije i računovodstvo FINra Tuzla, Senat na 15. redovnoj sjednici održanoj 07.07.2018. godine, donosi:

**ODLUKU O IZMJENI I DOPUNI PRAVILNIKA O PRIZNAVANJU ISPITA I
USLOVIMA PRELASKA
SA DRUGIH VISOKOŠKOLSKIH USTANOVA NA VISOKU ŠKOLU
ZA FINANSIJE I RAČUNOVODSTVO FINra TUZLA**

Član 1.

Član 6. se mijenja i glasi:

Komisija priznaje studentu položene ispite iz onih nastavnih predmeta koji se po sadržaju prema svom nastavnom programu podudaraju najmanje 80 % sa nastavnim programom odgovarajućeg predmeta na Visokoj školi FINra.

Lista izbornih predmeta kontinuirano se dopunjava odlukom Senata. Predmetima kojima se dopunjava lista izbornih predmeta, dodjeljuje se 5 ECTS kredita na prvoj i drugoj godini studija odnosno 4 ECTS kredita na trećoj godini studija, u skladu sa predviđenim opterećenjem studenta po broju časova.

Član 2.

Član 10. se mijenja i glasi:

Ukoliko su ispiti koji se prenose položeni na visokoškolskoj ustanovi koja nije matična u istim naučnim oblastima u kojima je matična i Visoka škola FINra, tada student na Visokoj školi FINra može da upiše onu godinu studija koja odgovara broju priznatih ECTS bodova i to:

- Minimum 44 priznatih ECTS bodova za upis u drugu godinu studija,
- Minimum 104 priznatih ECTS bodova za upis na treću godinu studija,
- Minimum 164 priznatih ECTS bodova za upis na četvrtu godinu studija.

Student je dužan da u daljem školovanju na Visokoj školi FINra položi svu razliku ispita i da stekne broj ECTS bodova predviđen za upis u naredne godine studija u skladu sa odredbama Statuta Visoke škole FINra i ovog Pravilnika.

Član 3.

Član 12. se mijenja i glasi:

Za upisanu godinu studija po osnovu prelaska sa druge visokoškolske ustanove, ili po osnovu produžetka školovanja, student plaća punu naknadu školarine.

Izuzetno od prethodnog stava ovog člana studentu se na osnovu njegovog zahtjeva može odobriti procentualno umanjenje školarine na godini u koju se upisuje u skladu sa brojem priznatih ispita na toj godini, kako slijedi:

- 1-2 priznatih ispita 10% umanjenja,
- 3-4 priznatih ispita 20% umanjenja i
- 5 i više priznatih ispita 50% umanjenja.

Broj: 2-25/18

Datum: 07.07.2018.godine

PREDSJEDAVAJUĆI SENATA

Dr. sc. Ismet Kalić, docent

